



La Quotidiana
7007 Cuira
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'487
Erscheinungsweise: 5x wöchentlich

Themen-Nr.: 800.22
Abo-Nr.: 1088938
Seite: 1
Fläche: 6'210 mm²

Aucziun ha generà 80 000 francs per Nairs

■ (anr/mfo) Ils 80 amatuors per l'art preschaints a l'aucziun cha Nairs vaiva i'l Museum d'art a Cuira han spais in sonda 81 000 francs per s'acquistar las oubras. Quist import vain utilisà per restaurar l'antieriura chasa da bogns a Nairs. La chasa da bogns a Nairs chi'd es in possess da la Fundaziun Nairs stess gnir sanada. «Quai es la cundiziun per cha no possan insomma cuntinuar

culla sporta dal Center d'art contemporana in quista chasa», declera il directur e manader artistic *Christof Rösch*. Per rajiundscher quist böt sun bleras artistas ed artists chi han üna stretta colliaziun cun Nairs stats solidarics e s'han declerats pronts da sustgnair l'intent in regalond a la fundaziun da lur oubras per tillas inchantar.




La Quotidiana
7007 Cuira
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'487
Erscheinungsweise: 5x wöchentlich

Themen-Nr.: 800.22
Abo-Nr.: 1088938
Seite: 9
Fläche: 43'734 mm²

Ün ulteriur pass per sanar la chasa dals bogns

Grond success pella prüma aucziun da Nairs a Cuaira



Stephan Kunz, il nov directur dal Museum d'art a Cuaira, in occasiun da l'inchant a favur da Nairs.

FOTOS G. GOETTMANN

■ (anr/mfo) 81 000 francs han spais ils amatuors d'art per s'acquistar üna da las oubras chi sun gnüdas inchantadas in sonda i'l Museum d'art a Cuaira. Quist import vain utilisà per restaurar l'anteriura chasa da bogns a Nairs. La chasa da bogns a Nairs chi'd es in possess da la Fundaziun Nairs stess gnir sanada. «Quai es la cundiziun per cha no possan insomma cuntinuar culla sporta dal Center d'art contemporana in quista chasa», declera il directur e manader artistic *Christof Rösch*. Ils custos per la sanaziun da quist edificzi fabricà da l'on 1913 s'amuntan tenor el a bundant trais milliuns francs. La fundaziun es uossa in tschercha da finanzas.

Il prüm pass ha fat la region cul sustegn finanziar da la Corporaziun dals cumüns concessiunaris da l'Ouvra electrica engiadinaisa. Però eir la fundaziun s'vessa es gnüda activa ed ha organisà a Cuaira i'l Museum d'art chantunal ün'aucziun dad oubras d'art.

22 artistas ed artists da tuot la Svizra

«Bleras artistas ed artists chi han üna stretta colliaziun cun Nairs sun stats solidarics e s'han declerats pronts da sustgnair nos intent ans regalond da lur oubras per tillas inchantar», s'allegra *Rösch*. Ils respunsabels han tschernü

per üna prüma aucziun üna vainchina dad artists, üna mità dal Grischun e tschella mità da l'ulteriura Svizra: I's tratta dals artists *Guido Baselgia, Flurin Bischoff, Evelina Cajacob, H.R. Fricker, Ladina Gaudenz, Gabriela Gerber & Lukas Bardill, Martina Gmür, Ralph Hauswirth, Cécile Hummel, Isabelle Krieg, Zilla Leutenegger, Max Matter, Guido Nussbaum, Christoph Rütimann, Roman Signer, Gaudenz Signorell, Jules Spinatsch, Gerda Steiner & Jürg Lenzlinger, Julia Steiner, Not Vital, Cécile Wick* e *René Zäch*. Lur oubras ha inchantà in sonda passada l'aucziunari professional *Dirk Boll* da Christie's a



La Quotidiana
7007 Cuiria
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'487
Erscheinungsweise: 5x wöchentlich

Themen-Nr.: 800.22
Abo-Nr.: 1088938
Seite: 9
Fläche: 43'734 mm²

Turich. Ils 80 amatuors da l'art chi d'eiran preschaints i'l Museum d'art grischun han cumprà tuot las ouvras d'art per totalmaing 81 000 francs. Quai dess esser sco cha Rösch spera il prüm pass per mantegner ils edifizis dal temp chi gniva fat la cura a Nairs. Ultra da quai declera el chi vain quist utuon probabelmaing fundada ün'uniun per salvar la Büvetta a Nairs. Quella es actualmaing nempe serrada causa cha la costa sura ris-cha da sglischar e sepulir l'edifizis.

Cul sustegn da la Chüra da monumaints

«L'intenziun da la Fundaziun Nairs da restaurar l'antieriura chasa da bogns a Nairs salüdain nus fich», disch *Marcus Casutt* da la Chüra da monumaints grischuna, «quista chasa es nempe ün fich important edifizis dal temp dal principi dal turissem da cura in Engiadina Bassa.» Scha quel chasamaint vain restaurà i'ls prossems ons da maniera cumpetenta es quai sco ch'el disch fich allegraivel: «La

Chüra da monumaints chantunala ha eir l'intenziun da sustgnair finanzialmaing quista restauraziun, però eir d'accumpagnar las lavuors pisserond cha l'efidizi existent gnia mantgnü.» Il böt da la Fundaziun Nairs da mantgnair tuots trais edifizis a Nairs, hotel, chasa da bogns e büvetta es tenor Casutt in mincha cas eir degn da gnir sustgnü: «Cha la Fundaziun Nairs es activa in quist regard es fich allegraivel.»